



**Stjórnarráð Íslands**

Atvinnuvega- og nýsköpunarráðuneytið

## **NIÐURSTÖÐUR SAMRÁÐS Í MÁLINU**

### **„Tæknilegir tengiskilmálar hitaveitna“**

Nr. S-45/2021 í samráðsgátt stjórnvalda á vefnum [samradsgatt.is](http://samradsgatt.is)

10. mars 2021

# 1. ÞÁTTTAKA

Þann 16. febrúar 2021 kynnti atvinnuvega- og nýsköpunarráðuneytið til umsagnar drög að reglugerð um tæknilega tengiskilmála hitaveitna.

Eftirtöldum aðilum var boðið að veita umsögn: Félag pípulagningarmeistara, Húsnaðis- og mannvirkjastofnun, Neytendastofa, Orkustofnun, Persónuvernd og Samorka.

Umsagnarfrestur rann út 5. mars 2021. Alls bárust tvær umsagnir, annars vegar frá Orkuveitu Reykjavíkur og Veitum ohf. og hins vegar frá Sigurjóni Kristni Sigurjónssyni.

| Umsagnir | Einstaklingar | Lögaðilar |
|----------|---------------|-----------|
| Samtals  | 1             | 1         |

Skjöl málsins, allar umsagnir og upplýsingar um umsagnarfrest og annað fyrirkomulag er að finna í samráðsgáttinni á [Island.is](https://samradsgatt.island.is/oll-mal/$Cases/Details/?id=2914), slóð á málið:

[https://samradsgatt.island.is/oll-mal/\\$Cases/Details/?id=2914](https://samradsgatt.island.is/oll-mal/$Cases/Details/?id=2914)

## 2. SJÓNARMÍÐ UMSAGNARADILA OG VIÐBRÖGD VIÐ ÞEIM

Orkuveita Reykjavíkur og Veitur ohf. fagna drögunum að reglugerðinni um tæknilega tengiskilmála hitaveitna og telja þau til mikilla bóta fyrir rekstur hitaveitna. Orkuveita Reykjavíkur og Veitur gera ekki neinar efnislegar athugasemdir við drögin að reglugerðinni og leggja til að framkomin drög verði samþykkt óbreytt.

Sigurjón Kristinn Sigurjónsson vísar í umsögn sinni til þess að í 11. gr. draganna, þar sem fjallað er um leiðréttingar notkunargjalda vegna skekkju í mælitæki, sé miðað við að leiðrétta megi í allt að eitt ár aftur í tímann þegar innheimta þarf hjá viðskiptavini, en endurgreiðslu til viðskiptavina allt að fjögur ár aftur í tímann. Sigurjón bendir á að skv. 45. gr. reglugerðar um raforkuviðskipti og mælingar, nr. 1150/2019 sé sambærilegt ákvæði [um leiðréttingu á skekkju í mælingu raforku] svohljóðandi: "Hvor sem er, almennur notandi eða dreifiveita, geta krafist þess að fá greiddar kröfur, sem stafa af skekkjum í mælingum, tvö ár aftur í tímann." Sigurjón bendir á þetta feli í sér að notandi sem kyndir með rafmagni gæti því verið krafinn um greiðslu tvö ár aftur í tímann meðan sá sem kyndir með heitu vatni aðeins eitt ár, sem sé óheppilegt.

### VIÐBRÖGD RÁÐUNEYTISINS:

Varðandi umsögn Sigurjóns Kristins Sigurjónsonar bendir ráðuneytið á að breytingin á 11. gr. felur í sér að réttindi viðskiptavina hitaveitna eru aukin umtalsvert frá því sem nú er.

Ráðuneytið telur ekki ástæðu til að gera breytingu á 11. gr. draganna vegna þessa misræmis við ákvæði 45. gr. reglugerðar um raforkuviðskipti og mælingar, nr. 1150/2019, en mun hins vegar skoða hvort gera eigi sambærilega breytingu á 45. gr. reglugerðar nr. 1150/2019.

## 3. NÆSTU SKREF

Ráðuneytið telur ekki ástæðu til að gera breytingar á drögunum að reglugerð um tæknilega tengiskilmála hitaveitna vegna framangreindra umsagna. Drögin verða því samþykkt óbreytt og gert er ráð fyrir að reglugerðin verði birt í Stjórnartíðindum fyrir lok mars 2021.